

春秋屬辭辨例編

春秋屬辭辨例編卷四十八目錄

列國地名都邑地並見經者 下

陳 辰陵誤夷陵以爲齊地辨

蔡 會鄧非鄧國楚地辨

許

紀 紀地非東莞杜注辨 穀梁以邾鄆部亦爲一國名辨

邾 劉昭誤云濟北之成辨 以盛爲成諱滅同姓說辨

邢 故國邢臺繼遷聊城疑二地同名夷儀說

北燕 陽非中山之唐杜注辨

西號 號仲號叔東西二國辨 號有東西南北四名辨 下

邾 邾非附庸辨 釋卽嶧山非國都辨 問邱杜鄆解辨

小邾 〇邾 邾非夷辨 邾國非齊遷萊之地辨 句釋杜云

莒

向地周鄭莒魯有四辨莒魯之向國邑之別辨隱二年入向穀梁以爲我邑辨防茲二邑杜說辨

杞

自雍邱并亭于地杜說辨薛注以營陵爲營邱辨杞妻疑紀邑說

楚

吳入鄧不書入楚辨陸非潁川召陵之陸亭杜解辨祖疑宋地辨容城非華容辨

秦

吳

會吳之向杜注誤鄭地辨鄭爲海陵發陽杜注辨

徐

戎

此戎州已氏之戎楚邱伐凡伯處非衛地辨

白狄

越

鄒邑地皆未見經以係大國附於此

春秋屬辭辨例編卷四十八

錢唐張應昌學

○列國地名都邑地並見經者下

陳辰陵誤夷陵以爲齊地辨

都宛邱今爲河南陳州府治帝舜之後虞闕父爲周陶正其子日胡公滿武王配以元女太姬而封諸陳按禹受舜禪封商均于虞地在梁國虞縣今爲河南歸德府虞城縣殷封舜後日遂今山東兗州府甯陽縣西北十里有遂鄉昭八年傳舜重之以明德實德于遂遂世守之及胡公不注故周賜之姓使祀虞帝杜註胡公滿遂之後武王賜姓曰媽封諸陳蓋胡公自以選建明德而封遂本國至周時尙存莊十三年爲齊所滅春秋齊人繼于遂是也○隱三年孔疏譜云虞舜之後當周之興有虞遏父者爲周陶正武王賴其利器用與其先聖之後以元女太姬妃遏父之子滿封於陳賜姓曰媽號胡公桓公二十三年魯隱之元年湣公二十一年獲麟之歲二十四年楚滅陳○鄭氏詩譜武王封媽滿子陳太皞虞氏之墟都宛邱之側其封域在禹貢豫州之東其地廣平無名山大澤西望外方東不及孟諸

地櫻從宋厥貉辰陵

僖元年秋會于櫻公作打

杜注宋地陳國陳縣西北有檉城公羊作村左傳作犖杜注犖

卽檉地有二名按今陳州府西北有犖城卽檉也高士奇○犖

水經注謂之澇城地在陳州疑當屬陳非宋地江○愚按水經

注谷水源上承澇陂陂在陳城西北南暨犖城王隱曰犖北有

谷水是也犖卽檉矣○公羊釋文村勅貞反穀梁釋文檉勅貞

反則檉與村是同音相假張壽恭古義

文十年冬楚子蔡侯次于厥貉厥公作屈

杜注地闕按當在今陳州府項城縣界高士奇○蓋陳地也徐卓

經義未詳說○黃氏說見晉楚交兵門○公羊作屈貉亦聲譌厥屈

音近○屈與厥通晉韓厥公羊作韓屈闕黨漢書古今

人表作厥黨錢大昕

宣十一年夏楚陳鄭盟于辰陵穀作夷陵

杜注陳地潁川長平縣東南有辰亭按水經注洧水逕茅城又東南逕辰亭辰亭在長平城西北杜氏疑有誤長平漢縣屬汝南郡後漢屬陳國今陳州府西南四十里有辰陵亭故長平城在府西北四十里高士奇顧棟高○穀作夷陵范注以為齊地非也與楚鄭陳盟會何涉毛奇齡簡書列誤○辰之作夷隸變之誤張壽恭古義

以上陳地
蔡會鄧非鄧國楚地辨

都上蔡文王子蔡叔度初封周公厥蔡叔又封其子胡書蔡仲之命是也孔安國書傳蔡仲封汝水之間杜預云汝水上蔡縣也今為河南汝寧府上蔡縣縣西南十里有故蔡國城春秋時亦稱上蔡竹書紀年襄公二十三年蔡師伐楚取上蔡亦謂之蔡陽秦昭襄三十三年客卿胡傷取魏蔡陽孔氏曰蔡城在蔡水之陽也漢置上蔡縣以九江有下蔡故稱上蔡○昭十一年楚滅蔡十三年平王復蔡封于是隱太子之子麇歸于蔡是為平侯徙新蔡見漢地里志今為汝寧府新蔡縣○哀元年楚子國蔡使蔡強于江汝之間而還杜注楚欲使蔡徙國于江水之北汝水之南也蔡于是請遷于吳後中悔

二年吳淩庸如蔡聘因襲之蔡昭侯哭而遷墓冬遷于州來
謂之下蔡今爲江南鳳陽府壽州在淮水之北今州北三十
里有下蔡城○隱四年孔疏宣侯二十八年魯隱之元年昭
侯子成侯十年獲麟之歲成侯子聲侯四年春秋傳終聲侯
以下二世而楚滅蔡

上蔡 新蔡 州來

地 鄧 莘

昭十一年楚滅以前所書之蔡皆在上蔡

見上

昭十三年秋蔡侯廬歸于蔡

此新蔡也漢志汝南郡新蔡縣蔡平侯徙此

哀二年冬蔡遷于州來

此下蔡也州來本屬楚邑昭十三年滅于吳見楚地

以上蔡都

桓二年秋蔡鄭會于鄧

按公羊以為鄧國胡氏湛氏季氏因之比諸以國地者國主與會之例非也

杜注潁川召陵縣西南有鄧城按卽今鄧襄城在今河南鄧城

縣東南

桑

○按孔疏云公羊賈服以鄧爲國釋例以此潁川鄧

城爲蔡地其鄧國則義陽鄧縣是也鄧國去蔡遠蔡鄭不宜遠

會其都且蔡鄭懼楚爲此會何反求近楚小國而與之結援故

知非鄧國也考鄧襄城在鄧城縣鄧城今屬許州府地在蔡之

北鄭之南正是蔡鄭相會處成九年鄭伯會楚公子成于鄧昭

十三年蔡朝吳奉蔡公召子干子皙盟于鄧卽此地也孔疏說

是

高氏攷畧顧氏都邑表江氏考實程廷祚地名辨異

○蔡邑也若鄧國在楚腹地今襄

陽府東北爲懼楚乃會於此以啟楚疑乎必不然矣

釋經

○

愚按水經注醴水東逕鄧縣故城南左入汝汝水又東南流逕

鄧城西桓公二年蔡鄭會處

汝水條下

○鄧有三隱十年公會齊侯

盟于鄧魯地也桓二年蔡侯鄭伯會于鄧蔡地也九年巴子請

與鄧爲好鄧國也

杜公說分紀

○杜氏釋例以此年之鄧指爲楚地

非也蔡鄭方懼而會謀焉有入楚地之理

梁履繩補釋

莊十年秋荆敗蔡師于莘

杜注蔡地按當在今汝寧府汝陽縣境

高士奇顧棟高

○地名莘者不

一晉文登有莘之墟卽伊尹耕處在河濮之間漢爲陽平縣今

東昌莘縣也續文維莘之莘或作佻姒姓國在郃陽涇涘今同

州郃陽縣有故莘城是也神降于莘號邑也在大河之北此敗

于莘乃蔡地字或作新漢爲新陽縣應劭曰在新水之陽今汝

寧真陽縣是楚深入蔡地蔡侯出禦而見獲也

王夫之裨疏

以上蔡地

許

都許遷葉又遷夷又遷白羽又遷容城○許姜姓與齊同祖堯

四岳伯夷之後武王封其苗裔文叔于許十一世許莊公入

春秋其地爲夏伯昆吾氏之墟昭十二年傳楚靈王曰昔我

皇祖伯父昆吾舊許是宅是也隱十一年鄭莊公入許遷許

莊公之弟許叔于東鄆而使公孫獲處許西偏鄭莊公卒鄭

亂桓十五年許叔乃復入于許後屢受兵于鄭遂遷楚境鄭

因有其地謂之舊許襄十一年傳諸侯伐鄭晉荀偃至于西

鄆東侵舊許及昭十二年傳語是也杜注許潁川許昌縣今

爲河南許州府治石梁縣縣治東三十里有故許城○成十

五年許靈公畏鄭請遷于楚楚遷許于葉其後鄭患猶未已

襄十六年許請遷于晉許大夫不可鄭伯會諸國之大夫伐

許討其未遷也二十六年許靈公如楚請伐鄭蓋許雖遷猶

在方城之外也昭四年楚欲遷許于賴卒不行至九年遷許

于夷十一年靈王滅蔡又遷之于荆山十三年平王復陳蔡

封許亦復居于葉十八年楚復遷許于析實白羽杜注自葉

遷也遷夷至析皆許悼公定四年許男斯又遷于容城後二

年鄭卽滅許哀元年許復從楚圍蔡似未嘗滅或云楚復封

之則不可考其何地矣○隱十年孔疏自文叔至莊公十一

世始見春秋元公子結元年獲麟之歲也當戰國初楚滅之

地許 葉 夷 白羽 容城

隱十一年秋公及齊侯鄭伯入許

桓十五年夏許叔入于許

見上

成十五年冬許遷于葉

昭九年春許遷于夷

昭十八年冬許遷于白羽

定四年夏許遷于容城

並見楚地

紀 紀地非東莞杜注辨 穀梁以鄒鄆部亦為一國名辨

鄆○姜姓侯爵隱元年紀人伐夷見于傳二年見經莊公四年齊滅紀紀季以鄆入于齊為附庸杜注紀國在東莞劇縣今青州壽光縣東有劇城又有紀城在縣東南○季本地考曰後漢志北海劇縣有紀亭古紀國鄭漁仲曰紀訛為劇在青州臨朐縣東壽光縣西杜氏以東莞劇縣為紀乃顛榆之紀鄆城也其地在莒南去壽光遠非連界者也

邑 鄆 鄆 鄆 鄆

莊元年冬齊師遷紀邢鄆部

杜注紀三邑邢在東莞臨朐縣東南按臨朐今屬青州府應劭

曰一作駢後爲齊大夫伯氏邑管仲奪伯氏駢邑三百卽此漢

書作餅武帝封菑川靖王子成爲餅侯

高士奇

○漢書地理志琅

邪郡餅梧城按應劭說駢卽餅也邢餅駢古字同梧郡訾鄆亦

音同

洪亮吉左傳詁

○鄆杜云北海都昌縣西有訾城按都昌今萊州

府昌邑縣也縣西十里有訾亭社○鄆杜云在朱虛縣東南按

今青州府安邱縣西南六十里有鄆山四面險絕其上寬平約

數百里有古城遺址卽鄆城也晉朱虛縣在臨朐縣東

高士奇顧棟高

○穀梁曰紀國也邢鄆鄆國也非也齊一師必不能並遷兩國

又春秋自當分別以見滅兩國之惡不當合之也

劉敞權衡

○三邑

爲紀東南近輔

季本私考

○按徐氏卓以爲當是紀附庸三國與齊

所降之鄆同無確據仍從舊說作三邑

莊二年秋紀季以鄆入于齊 十二年春紀叔姬歸于鄆

杜注紀邑在齊國東安平縣按今青州府臨淄縣東九十里有安平城鄆亭亦在縣東傳曰紀于是乎始判齊欲滅紀故季以鄆入齊爲附庸也○國語齊桓初立正封域東至于紀鄆蓋特存之也按齊都臨淄而鄆卽在臨淄之境則知桓公初年齊東境甚狹管仲云東至于海夸辭耳迨滅紀鄆又稍併莒杞之地至襄六年滅萊棠乃盡有東萊之地至于海矣高士奇顧棟高○鄆在

臨淄東蓋紀之西鄆接壤于齊

季本地考

○續述征記云女水至安

平城南伏流十五里更流注北楊水城城故鄆亭也

馬宗鑑左傳補注

○古者諸侯受封必有采地百里諸侯以三十里爲采七十里諸侯以二十里爲采五十里諸侯以十里爲采其後子孫雖有

罪而細使子孫賢者守其地世世以祠其始封之君是爲采此
韓詩外傳之說必有所據春秋莊元年齊師遷紀邾鄆邾三年
紀季以邾入於齊四年紀侯大去其國遷諸滅之邾鄆邾者紀
之封邾者紀之采遷封而畱采故紀滅而邾存所以知邾存者
莊十二年紀叔姬歸于邾則邾存矣古者滅國不滅采信矣然
則紀季蓋紀子孫之賢者歟惠士奇禮說

邾劉昭誤云濟北之成邾以盛爲成諱滅同姓說辨

都○文于子邾叔武所封伯爵隱五年衛師入邾見經杜注邾
國也東平刑父縣西南有邾鄉按公羊作盛隱十年齊鄭入
邾莊八年師及齊師圍邾降于齊師文十二年邾伯來奔
皆此邾父卽邾縣父字衍文晉屬東平國又按後漢志濟北
國有成縣注曰本國劉昭曰春秋之邾也至晉已無之蓋省
于晉前其地則入邾縣耳水經注洸水上承汶水于國縣西
又西南經盛鄉城西國縣卽漢剛縣今兗州府鄆陽縣東北
有邾城焉卽邾縣故地而邾在其西南括地志漢齊陰成陽
縣爲成伯之國乃今曹州界疑悞○隱五年孔疏史記管蔡
世家稱邾叔武武王母弟後世無所見不知其君號諡惟太

子朱儒奔魯書邾伯見於經傳○洪亮吉春秋詁曰後漢書
郡國志濟北國成本國劉昭注春秋之邾卽此按前漢濟北
并於泰山前漢地里志泰山郡有肥成縣應劭注肥子國別
無所謂成縣也疑郡國志成字上脫一肥字昭遂誤以爲邾
國耳若成後漢時作縣則
杜注不當云有邾鄉矣

隱五年秋衛師入邾

隱十年冬齊人鄭人入邾

莊八年夏師及齊師圍邾邾降于齊師

文十二年春邾伯來奔

邾事書于經者四考其始末一入于衛再入于齊鄭旣而降于
齊又七十一年而奔魯以文昭之懿受甸伯之爵而迫脅於諸
侯如此且衛邾兄弟之國而若是甚矣李廉會通○葉氏說見諸侯

出奔門○師及齊師圍成案成本盛國成與盛通故釋名云成
盛也穆天子傳云盛姬盛伯之子郭璞云盛國名文十二年盛

伯來奔是盛國伯爵二傳皆作郕僖廿四年左氏傳云管蔡郕

霍文之昭也是盛爲姬姓故穆天子傳云天子賜盛伯爲上姬

之長

惠棟九經古義

○文十二年經盛伯來奔莊八年公羊經夏師及

齊師圍成傳云成者盛也盛則何爲謂之成諱滅同姓也字通

作郕玉篇東平亢父縣有郕鄉隱五年經衛師入郕穀梁云郕

國也杜注左傳云東平剛父縣西南有郕鄉此與魯孟氏之郕

邑遠不相涉說者牽合爲一失之

桂馥札樸

○盛有郕音故隱五年

公羊作盛莊八年公又作成按成爲郕本字又與盛通

趙坦異文箋

○按趙說則知公羊傳云盛曷爲謂之成諱滅同姓也之說非

矣盛郕成古字並通非諱盛爲成也

邑

夫鍾

桓十一年秋公會宋公于夫鍾

鍾公作童

杜注廊地按今在兗州府寧陽縣盛鄉城北有夫鍾里文十一

年傳廊太子朱儒自安於夫鍾卽此參彙纂○公作童釋文音

鍾按鍾童同音假借字趙坦異文箋

邢故國邢臺繼遷聊城疑二地同名夷儀說

都邢史記成王封周公子靖淵爲邢侯其地在河北殷祖乙所

遷都也莊三十二年秋伐邢始見經閔二年齊桓公遷邢于

夷儀儀借二十五年衛滅邢至成二年晉人以屈巫爲邢大夫

蓋衛取之後又入于晉也隱五年曲沃莊伯以鄭人邢人伐

翼杜注邢國在廣平襄國縣今爲直隸順德府邢臺縣夷儀見下

夷儀

地聶北

僖元年夏邢遷于夷儀公作陳儀下同

襄二十四年秋會于夷儀
襄二十五年夏會于夷儀
秋衛侯入于夷儀

杜注邢地衛滅邢而爲衛邑按晉兩會夷儀皆以伐齊衛獻公
由齊而入焉又定九年齊伐晉夷儀爲衛討也則又爲晉地蓋
衛之邊邑與齊晉皆連壤也杜佑通典龍岡縣百五十里夷儀
嶺卽邢國所遷有夷儀城寰宇記夷儀山在邢州西北百五十
九里晉廣平郡之襄國隋改爲龍岡縣置邢州邢古都也今順
德府西百四十里有夷儀城高士奇○水經注邢自襄國徙此今
襄國西有夷儀去襄國百餘里洪亮吉○喪大記夷于堂正義
云夷陳也故夷通陳張壽恭○古晉夷與雉同故轉爲陳錢大
類
古義
所聲

以上邢都

僖元年春齊師宋師曹師次于聶北救邢

杜注邢地按水經注聊城西二十五六里有古聶邑蓋卽晏子

所謂聊攝以東也

水經注聶作攝見澤水下

今山東東昌府聊城縣東北有

聶城齊之西界近邢地也

高氏攷畧參彙纂

○杜注但云邢地未詳其

處按後漢志東郡聊城縣有夷儀聚有聶城注云卽左傳聊攝

則二邑皆在今東昌府治邢本都順德在河西於時河水北流

東渡河而都聊城阻河以禦狄故師次聶北以待其遷聶北夷

儀地相密邇

王夫之釋疏

○邢故國在邢臺後入晉邢本以畏狄而

遷若祇在故都相近數十里與不遷何異當以聊城爲是疑夷

儀本邢故邑名後遷新邑而仍以故地名之衛滅邢地入於衛

其故國之夷儀則入於晉自是兩地定九年齊侯衛侯次于五

氏傳言伐晉夷儀又晉師于乘在中牟杜注謂救夷儀也此夷

儀自當在邢臺若在聊城則與中牟五氏俱遠不相涉

顧棟高輿圖

○說文崑字引此作崑北讀與聶同

洪亮吉春秋左傳詁

○崑爲正字聶

為假借字 張壽若

北燕 陽非中山之唐杜注辨

都燕召公奭周同姓文王時分岐邦周召之地為周公召公奭

地武王滅殷封召公于北燕元子世之其子守

采地在王官谷春秋時召伯是也莊三十年遇于魯齊傳曰謀

山戎以其病燕也燕之名始見杜注燕國今薊縣至襄二十

八年北燕伯朝晉再見於春秋是為簡公欵二十九年齊高

止出奔北燕始書於經昭三年北燕伯欵出奔齊六年齊侯

伐北燕將納簡公燕人歸昭不克而還十二年齊高偃納北

燕伯于陽至獻公之世而春秋終昭九年傳晉桓伯曰肅慎

燕毫吾北土也史記武王封帝堯之後于薊張守節正義召

公始封蓋在北平無終縣以燕山為名後漸強乃併薊徙居

之今為順天府大興縣○齊履謙統紀曰春秋有二燕此言

北燕別于姑姓燕也○王應麟地理通釋曰燕在涿鹿山南

都幽州薊縣○白虎通言召公為文王庶子而當辰述文之

昭十六國獨不及燕穀梁莊三十年傳以為周之分子范註

分別也司之別子孫也殆與左氏班氏同旨愚以為召康公

留輔王室顧命康王之詔可考其後穆公虎愿相厲宣左傳

有戴公莊公與周公黑肩周公忌父皆世為周卿士蓋居北

燕者乃康公之分子也史記世家康公九世至燕惠侯當厲

王奔燕之時惠侯卒于釐侯立共和之政燕侯不預則為分

子明矣歷頃哀繆宣桓莊公時齊桓伐山戎紓燕之病釅

歷代

襄二十九年秋齊高止出奔北燕

昭三年冬北燕伯款出奔齊

昭六年冬齊侯伐北燕

昭十二年春齊高偃帥師納北燕伯于陽

史記謂北燕為山戎所隔至齊桓伐戎開道而後與中國通故

見于春秋獨後家鉉翁○國遠僻陋終春秋玉帛不通傳載一

朝於晉迨簡公出奔始見經惟僻遠不通故歷春秋戰國最為

永世邵雍曰燕去中原遠苟不隨韓趙魏齊楚較利爭名則養

德待時秦雖虎狼未易加害也程公說分紀燕世本

邑陽

昭十二年春齊高偃帥師納北燕伯于陽

左傳作唐杜注陽卽唐燕別邑中山有唐縣按此唐邑相傳唐堯初封于此後爲鮮虞邑趙滅鮮虞亦爲唐邑漢置唐縣屬中山國晉因之故城在今直隸保定府唐縣東縣北八里有唐山一名堯山高氏攷畧○按說文唐古文作陽故讀陽爲唐洪亮吉

秋

按中山之唐在燕之西自齊而往絕燕而過之不能懸軍深入與齊遠燕伯不能恃以爲援且又鮮虞國都非燕地也攷漢志涿郡有陽鄉縣當是燕地在文安大城之間爲燕齊孔道不當從傳作唐而以中山地當之王夫之○愚按王氏所辨杜解是也四庫提要云足以補杜注之闕

西號

號仲號叔東西二國辨號有東西南北四名辨下

都上陽傳曰號仲號叔王季之穆也杜注二號王季之子文王母弟賈逵曰號仲封東號制是也號叔封西號號公是也西

號初封在秦之雍地漢置縣隱元年鄭人以王師號師伐
衛杜注西虢國也宏農陝縣東南有號城蓋已從平王而東
徙矣隱三年傳鄭武公爲平王卿士王貳于號八年號公忌
父作卿士于周桓五年王伐鄭以號公林父將上軍僖二年
晉假道于虞伐號五年圍上陽滅號杜注上陽號國都在宏
農陝縣東南陝縣今爲陝州局河南府○孔冲慈謂賈氏仲
封東號叔封西號之說無明證不可審知高士奇曰賈最近
古又諸家用其說引元和郡縣志韋昭國語注皆用之○顧
棟高曰西號舊都在今陝西鳳翔後隨平王東遷更封于上
陽今河南陝州東南有上陽城○王夫之釋璋東周時號有
三榮陽之號亭東號也下陽在平陸縣大陽之南河之北北
號也陝州之上南號也東號號仲所封南北二號皆號叔地
北號其故都逼近于虞後渡河南遷而宗廟社稷在下陽國
之亡實亡於下陽其後晉再舉伐號兼取南號耳○張琦戰
國策釋地漢志宏農陝縣下云故號國北號在大陽按大陽
故城在今蒲州府平陸縣東五十里杜君卿以陝州之號爲
北號是合大陽陝爲一非也大陽爲北號則陝爲南號可知
○水經注扶風雍縣漢志以爲西號大原地記號叔之國也
平王東遷叔自此之上陽爲南號矣愚按所謂上陽爲南號
者乃對下陽爲北號而言也或謂以西號爲南號非也乃誤
未詳考也

愚按號國有東西南北之名後漢志有三前漢志有四古今

攷辨衆說紛紜參差惑眩其實虢之初封只二仲叔分國惟東虢西虢而已厥後變遷名隨地異所謂雍州之西虢在今陝西鳳翔者卽東遷後徙封宏農陝縣在今河南陝州之虢叔封國也又以其有上陽下陽二城故又指上陽爲南下陽爲北所謂南虢北虢者南卽漢陝縣今陝州之虢都也北卽漢大陽縣今平陸縣之虢邑也大陽因夏陽而名夏有大義卽下陽也所謂滎陽之東虢在今汜水者乃鄭所滅之虢仲封國也卽制邑卽虎牢邑也卽昭元年會地也○又按仲封東虢叔封西虢當從賈疏

東虢見鄭地號下

邑
下陽

僖二年夏虞師晉師滅下陽

公穀作夏陽

杜注虢邑在河東大陽縣按穀梁傳非國而曰滅重夏陽也夏

陽者虞虢之塞邑滅夏陽而虞虢舉矣公穀作夏陽按下陽與

上陽爲對上陽在陝縣虢都也下陽在陝州平陸縣當從左氏

作下

參張洽集註

高氏曰今平陸縣東五十里有大陽城大陽東北

三十里有故下陽城其地有虞阪之險晉欲伐虢慮虞人要而

擊之欲伐虞則虢又救之滅下陽而兩國皆失其險矣

高氏攷略

○

平陸縣漢爲大陽縣今屬解州虢以國都爲上陽故謂河北在

下者爲下陽公穀作夏陽音同傳訛耳夏有大義漢改大陽漢

初尙公穀之學也

江永

○按方氏苞曰邑不言滅此附庸國郝氏

懿行從之以爲虢附庸未詳何據○下陽在河北虢在河南皆

負河爲固相唇齒焉晉滅此所以孤虢河險旣失虢隨以亡諸

儒謂下陽亡而虢舉是也然謂春秋因此書邑爲滅則非

高樹然釋

經○下陽虢故都不書滅虢而書滅下陽者以別乎上陽耳

張尙

環左傳折諸

○滅或書其國或書其國都互文也虢遂滅則曰滅下

陽楚未滅則曰吳入郢

戴祖啟五則

○公羊曰夏陽者何虢之邑也

曷為不繫于虢國之也曷為國之君存焉爾非也邑曰邑國曰

國以君存而國之豈理也哉

程端學辨疑

○下作夏假音字也

趙坦異文

妻

○夏陽左氏作下陽案宋下邑一作夏邑夏下同用

武億羣經義證

○虢公與鄭伯同為王卿士子頽之亂虢受上賞焚皮不臣虢

公致討周室有事虢必與焉晉滅虢晉無天子矣方晉之初為

侯也虢公銜王命以來又同朝于王蓋式相好也然虢不滅則

虞不舉晉無以圖淮泗之諸侯故晉未嘗一日忘虞虢也虢復

構怨歲再侵晉虢釁起而晉獻私喜矣虢公奔京師天子不能

討齊桓亦未敢過而問罪也

馬驥釋史

邾邾非附庸辨

釋卽嶧山非國都辨

閭邱杜廬解辨

邾小而交鄰睦事竊謹故介數大國之間與春秋始終迄戰國而未

亡黃震
日鈔

都

今為兗州府鄒縣後改國號曰鄒因山為名額項後陸終弟
五子之後武王封其苗裔挾于邾十三世儀父隱元年見經
杜注邾今魯鄒縣公羊禮記亦稱邾婁邾人語聲後曰婁也
古邾城在縣東南二十六里文公遷于繹杜云邾縣北有繹
山徙都于波山旁哀七年魯入邾邾衆保于繹則棄城而納
山矣繹與嶧通○隱元年孔疏譜云邾曹保于繹則棄城而納
終產六子其第五子曰安俠即安之後也自安至儀父十二
世始見春秋齊桓行霸儀父附從進爵稱子文公徒於繹桓
公以下春秋後八世而楚滅之○邾本子爵國先儒謂魯附
庸非也故城在今兗州府鄒縣東南當嶧山之南北界魯而
南連滕薛即今曲阜縣滕縣嶧縣之間約大五十餘里西自
訾婁至沂西即今濟甯州東至沂州西境約橫長三百里滕
之東南近嶧縣考為邾城即小邾子國自此以北至卞南中
間有漆閭邱濫場等邑皆邾地也非不能五十里之附庸也
意小邾嘗附魯而遂誤加于邾耳○左穀以邾為附庸居
國未確世族譜云夷父顏有功于周其子友別封為附庸居
邾據此邾非附庸可知傳言魯賦八百乘邾賦六百乘二國
相難且其地東有翼偃離姑在今之費縣西有訾婁及嶧在
今之濟甯地方百數十里此豈不能自達於天子者曠城
謀解嘲引○邾邾也亦謂之騶史記魯世家作鄒又吳世家

為弱伐魯索隱云左傳弱作邾杜注左傳亦云邾今魯國弱縣弱邾聲近職歟所○列國方言有語聲在後者邾婁是也有語聲在前者句吳於越是也公羊多齊言故邾作邾婁又按釋例世族譜邾今魯國鄒縣是也六書故邾邾同聲實一字也邾謂之邾婁亦兩音力俱切合邾婁之音為邾力溝切者合邾婁之音為鄒也兗州鄒縣邾文公所遷本釋邑也邾國至孟子時魯穆公改曰鄒邾邾異

邑

須句

小國

皆婁

繹

見下

漆

閭邱

濫

瑕

地
偃

句繹改入小邾

山
川繹山

漸水

沂水

僖二十二年春公伐邾取須句

句公羊作蒯

文七年春公伐邾取須句

杜注須句在東平須昌縣東北按秦置須昌縣漢因之屬東郡

後漢屬東平國今泰安府東平州東南有須句故城又按水經

注濟水又北逕須句城西引地理志壽張西北有胸城

高士奇

○

左氏僖二十二年傳曰任宿須句顓臾風姓也實司太皞與有濟之祀以服事諸夏邾人滅須句須句子來奔因成風也成風爲之言於公伐邾取須句反其君焉文七年傳曰取須句寘文公子焉非禮也杜注僖公反其君之後邾復滅之邾文公子叛在魯故使爲守須句大夫絕太皞之祀以與鄰國叛臣故曰非禮按左氏以爲國非也傳事皆可疑非其實諸家辨之詳矣備見內取國邑門兩年條下經之書法與他伐國取邑同當從經從諸家辨說作邾邑○公羊作須胸左穀作句古省文按句音

功

趙坦異文箋

僖三十三年夏公伐邾取訾婁

公作叢穀作訾婁

按胡傳及薛氏趙氏皆以爲邾邑當在今兗州府濟甯州界

顧

高○僖十八年邢狄伐衛傳曰衛侯師于訾婁乃衛邑在今大

名府滑縣與此別○訾婁公羊作叢穀梁作訾樓案叢字从取得聲古音近祖合訾婁二音卽爲叢婁樓古音皆近同故穀梁作樓趙坦異文變○疏云有作鄒字者案左氏經作訾婁鄒卽訾婁之合聲叢字亦當讀如鄒叢與諏陬等字並从取古諸聲本同孔廣森公羊通義○陸氏釋文所據公羊本作敢卽叢字說文叢敢皆從取聲皆當讀爲鄒陸氏音敢才工反誤矣婁卽樓省文張壽恭古義

宣十年秋公孫歸父伐邾取繹公作蕢

杜注邾邑魯國鄒縣北有繹山按今嶧山在鄒縣東南蓋縣治今徙山北也嶧與繹通又案文十三年傳稱邾遷于繹爲邾之國都距今僅十數年未必更遷取繹是滅邾矣孔疏謂別有繹邑亦因嶧山爲名則邾國小邑少不應更有同名之邑也疑公

羊作羴爲是

葉纂

○高氏攷略曰邾既遷都于繹則此必非取其

國都當是取其別邑愚按小國都邑同名誠有如彙纂所疑者

公羊作羴又無註釋考杜氏此年注旣引山以證邑於哀七年

入邾傳邾衆保于繹亦註云繹邾山也又考胡渭禹貢錐指故

邾國嶧山卽鳧繹之繹一名邾繹亦曰鄒嶧與禹貢嶧陽之爲

葛嶧山者有別張氏洽曰詩保有鳧繹及邾卜遷之繹皆此山

之地爲邾魯二國之境據此則知山界二國其地縣亘傍山之

地殆皆可以繹名之歟○郭璞曰繹山純石積構連屬如繹絲

然故名又爾雅釋山屬者嶧注云言駱驛相連屬也

梁履繩左氏補繹

○京相璠曰地理志嶧山在鄒縣繹邑所依爲名也山東西二

十里石多孔穴俗謂之嶧孔山

張尙瑗左傳折諸

○公作羴方音之轉

趙坦異文箋

○羴卽類字古音繹類同部故得通假

張騫茶占義

二十一年春邾庶其以漆閭邱來奔

杜注邾二邑高平南平陽縣東北有漆鄉西北有顯閭亭按定

十五年城漆卽此今鄒縣北有漆城閭邱在鄒縣南高士奇○

按漢置南平陽縣後省入鄒縣又按水經注泗水逕南平陽縣

故城西世謂之漆鄉與杜云東北異又云洙水西南逕南平陽

縣之顯閭亭邾邑也又引從征記曰今漆鄉東北十里有閭邱

鄉則顯閭自是別亭又按郡國志山陽南平陽有閭邱亭酈氏

與元凱皆誤以顯閭亭爲閭邱亭可以續漢志證之江氏考實

城碩記馬宗璣春

昭三十一年冬黑肱以濫來奔

杜注東海昌慮縣後漢郡國志昌慮有藍鄉濫作藍按今昌慮

故城在兗州府滕縣東南葉集○駁公穀諸說見闕文門

哀六年春城邾瑕

見魯地

以上邾邑

僖元年秋公敗邾師于偃

公羊作穀穀梁一本作堰

傳云虛邱之戍將歸者也杜注偃虛邱皆邾地在費縣邾人戍

虛邱欲侵魯公要而取之○偃邾地魯兵至邾敗其出禦之師

季本私考

○纓偃聲轉秦伯營公羊引作嬰穀梁作偃可證張壽恭古義

以上邾地

襄十九年春取邾田自漚水

哀二年春伐邾取漚東田及沂西田

漚水出鄒山東流邾魯之間今滕縣南十五里有漚水

顧氏山川表○

互見魯地

○水經注薛縣漚水首受蕃縣西注山陽陽陸○沂見魯地

以上邾山川

小邾

邾

邾非夷辨邾地辨

邾國非齊遷萊之地辨

句

小邾介在海濱畏齊事魯而偪于宋乃能以禮通諸侯與春秋始終

叔孫昭子於其賦菁莪曰不有以國其能久乎

黃震日鈔

都

邾邾扶之後夷父顏有功於周其子友別封為附庸居邾會
孫黎來莊五年來朝始見經十五年又書宋齊邾伐邾其後
從齊桓尊周室王命為小邾子僖七年始書小邾邾之別封
故曰小邾杜注東海昌慮縣東北有邾城今昌慮城在滕縣
東南彙纂曰按今兗州府滕縣嶧縣並有邾城今昌慮城在滕縣
在承縣文獻通考云邾城今沂州嶧縣即古承地屬沂州據此
二說則在嶧者為近○莊五年孔疏友世本作肥當是一人
之來始命為小邾子穆公之孫惠公以下春秋後六世而楚
之○季本地考曰先儒以為夷狄附庸書名非也邾乃知
又庶非夷也○趙坦異文箋邾公羊作倪按邾倪二字古
訛作兒从人从邑皆後起字汪克寬纂疏曰石氏謂邾有二
黎來乃小邾三國所伐為宋之附庸今考伐邾而後經不書
邾惟書小邾城成周之役經書小邾而朱仲幾曰邾吾役也
則邾為小邾明矣○高氏考略曰襄六年齊滅萊遷萊於邾
杜注遷萊子於邾國也孔疏邾小邾也二年傳曰滕薛小邾
之不至皆齊故也小邾附屬於齊故遷萊君子此○洪亮吉

左傳註曰說文邾齊地春秋傳曰齊高厚定邾田按說文不舉始見經傳來朝之邾疑另是一地

地句釋

哀二年春及邾子盟于句釋

杜注邾地孔疏十四年小邾以句釋來奔此云邾地蓋國境相近所屬無常若莒魯爭鄆之等耳○杜於二年注云邾地則小邾安得以邾地奔魯杜於此但云地名辭窮也釋一作嶧今之嶧縣劉蒼鶚山記云邾城北有嶧山宣十年魯伐邾取之後邾復取經不書失地不書也此則邾之邑也若句釋則小邾地非釋也漢志東海下邳縣注云嶧山在西後漢書謂之葛嶧云本嶧陽山卽禹貢出名桐者句葛音近句嶧蓋卽葛嶧下邳今邳州小邾在邾南葛嶧亦在嶧山之南明此爲小邾地杜注非

之釋
疏

莒向地周鄭莒魯有四辨莒魯之向國邑之別辨隱二年

都莒今為沂州府莒州武王初封少昊之裔茲與期子計即介

根今為萊州府高密縣春秋初已徙于莒而介根為莒邑襄

二十四年齊侯伐莒取介根是也○隱二年孔疏世本已姓

諸云贏姓文八年傳穆伯奔莒從已氏是已姓見於傳初都

計後從莒今城陽莒縣十一世茲不公方見

春秋其公以下微弱不復見四世楚滅之

邑向 密 鄆 牟婁 防 茲

地浮來從紀改入

隱二年夏莒人入向杜注護國龍亢縣東南有向城彙纂

桓十六年冬城向杜無注○熊氏過曰即莒所入者介莒

僖二十六年春公會莒子衛甯速盟于向杜注莒地長字記莒州南七

宣四年春公伐莒取向杜注莒邑東海永縣東南有向城遠疑也

之向城近之○按彙纂古承縣在今嶧縣西去莒遠莒州南

襄二十年春仲孫速會莒人盟于向高氏開曰日本莒邑

愚按春秋向地不一向爲國名又周鄭莒魯俱有向地周之向

見隱十一年傳

王與鄭人蘇忿生之田向水經注河內軹西有故向城在今懷慶府濟源縣閭鄉十三州志以

軹西之向爲隱

鄭之向見襄十一年傳

諸侯伐鄭師于向在今開封府尉氏縣○水經

注卷二十二長明溝水東逕向城北城側有向岡是也

俱與經所書向迥別惟莒魯之向

難考實向國又爲莒所入其說更歧異顧氏大事表地名考異

篇以隱二年之入向杜云在龍亢今在鳳陽懷遠者爲國名以

僖二十六年之盟向彙纂云在莒州南今屬青州府者爲莒邑

而都邑表莒地又以在莒州南之邑爲卽是龍亢東南之舊國

是顧說已互異也高氏攷略以在龍亢者爲小國隱二年所書

也

小國門

以在莒州者爲莒邑僖二十六年宣四年襄二十年所

書皆此也

莒地門

而桓十六年魯所城者於魯地內無考於莒地

附注云或謂莒地而魯暫取之其辭蓋有疑焉又宣四年杜注

疑承縣地遠高氏云古承縣在今嶧縣西北去莒果遠寰宇記
莒州南七十里向城今向城在沂州西南百里差爲近之江
氏考實隱二年條下云按傳莒子娶于向向姜不安莒而歸莒
人入向以姜氏還向國當近莒考向地在山東者二宣四年杜
注東海承縣東南有向城于欽齊乘謂向城鎮在沂州西南百
里當爲一地此一向也寰宇記莒州南七十里向城此又一
向也二地不知孰爲向國以近莒言之則寰宇記爲是蓋莒入
向後遂有其地至宣四年魯又伐莒取向也若龍亢之向去莒
甚遠襄十四年會吳于向當是此向耳又僖二十六年條下云
卽隱二年莒所入之地也又宣四年條下云向本近莒之國隱
二年莒入向遂爲莒邑于欽齊乘謂向城鎮在沂州西南卽承
縣東南之向城是江氏以莒邑爲卽莒所入之國土以龍亢之

向爲非莒所入與顧說高說俱異以承縣東南與沂州西言爲一地以莒州南與沂州西南爲二地又與高說不同參核諸說當以江氏爲得之至桓十六年城向杜氏無注江氏考實疑卽承縣東南沂州西南之地謂其地近郛國當時或屬魯趙氏鵬飛亦曰向介莒魯之境上本非莒邑故莒魯交爭互以爲己有其交爭自城向始參此兩說當時疆場之邑一彼一此何常之有魯之向蓋卽莒之向也故亦並列焉○隱二年入向穀梁以爲我邑汪氏克寬駁之曰經不書伐我非我邑也

隱二年冬紀子伯莒子盟于密

杜注莒邑城陽濱于縣東北有密鄉按密鄉故城在今萊州府昌邑縣東南十五里疑此時之莒尙都介根也

顧棟高

○按季本

地考謂本紀邑後爲齊有以封晏平仲杜誤爲莒邑未知是否

成九年冬楚伐莒入鄆

襄十二年春莒伐我圍台季孫宿救台遂入鄆

昭元年春取鄆

此卽魯之東鄆見魯地

昭五年夏莒牟夷以牟婁及防茲來奔

牟婁本杞邑隱二年莒取之自是屬莒見杞地○防杜注莒邑

城陽平昌縣西南有防亭按今青州府安邱縣西南有故平昌

城防亭在縣西南

高士奇顧棟高

○茲杜注莒邑姑幕縣東北有茲亭

按今青州府諸城縣西有姑幕城茲亭在其境

高士奇顧棟高

○杜氏

分防茲爲二邑按書牟婁及防茲地異則言及防茲非二邑也

漢志琅邪茲鄉後漢平昌防亭亦仍杜說非別有證

王夫之釋疏

以上莒邑

隱八年秋公及莒人盟于浮來

浮公穀作包

按張氏治曰莒地江永考實亦云莒邑杜注紀邑非也○杜云

東莞縣北有邳鄉邳鄉西有公來山號曰邳來間按水經注沂

水東逕浮來之山卽公來山也浮來水注之今沂州蒙陰縣西

北有浮來山在莒州西二十里與莒州接界

參彙纂高氏顧氏

○二傳

作包來古蕭肴尤侯韻轉浮包字通

惠棟九經古義趙坦異文箋

○春秋繁

露作苞來

錢大昕聲類

○杜注邳來蓋邳浮同音而訛

張尙瑗折諸

○浮

包同音詩江漢浮浮武夫滔滔如山之苞如川之流皆包浮同

音之證故二字古多通用如桴枹腠胞之類是也

張壽恭古義

以上莒地

杞自雍邱并瀆于地杜說辨

薛注以營陵爲營邱辨

牟

杞婁疑紀邑說

都雍邱夏之後東樓公封于此後遷瀆于瀆于本州國之都而杞居之今青州府安邱縣東北三十里有瀆于故城然桓五

年州未亡之前杞早居于東土女叔齊曰杞夏餘也而卽東夷邾莒以東皆爲東夷特未詳其何地耳後遷于緣陵既而復遷濬于隱四年見經○隱四年孔疏譜云武王求禹後得東樓公封之於杞今陳禹邾邱縣是也九世及成公遷緣陵文公居濬于成公始見春秋潛公六年獲麟之歲也湣公弟哀公三年春秋傳終哀公以下二世十三年而楚滅杞○王夫之釋疏曰杜云杞本都陳留雍邱縣桓六年濬于公亡國杞并之遷都濬于非也雍邱去濬于且千里杞安能越鄭宋魯齊而舍其故國遠徙乎漢地里志雍邱故杞國東樓公封此先春秋時徙魯東北則杞初不因并濬于而始遷也按經書牟婁杞邑後漢書平昌侯國樊亭屬北海諸縣卽今諸城則杞在青州齊之南魯之東春秋前已去雍邱而遷北海其後或都濬于或都緣陵皆在青州南境春秋之初未改其國地果何在要之在安邱諸城之間與莒爲鄰已久雖雍邱故封無疑也 四庫提要曰王說足糾杜注之失○顧棟高大事表曰杞國于雍邱今河南開封府杞縣成公遷緣陵在今山東青州府昌樂縣東南五十里文公遷濬于在今青州府安邱縣東北三十里其雍邱之地不知何年入于宋見哀九年○閻若璩四書釋地又續曰東遷後杞都濬于在安邱去初封杞縣已千有餘里

緣陵

邑
牟婁 無婁

僖十四年春諸侯城緣陵

杜注杞邑傳曰淮夷病杞城而遷焉杜云不言城杞杞未遷也按是時杞已居漕于迫近淮夷是以病之齊桓遷之稍北與齊近如楚遷許于葉吳遷蔡于州來也至襄二十九年杞復遷漕于是年晉合諸侯之大夫城杞祁午數趙文子之功曰城漕于蓋卽城杞一事是復遷漕于之證也緣陵亦曰營陵路通登萊後漢志北海郡有營陵縣薛瓚曰春秋謂之緣陵故城在今青州府樂昌縣東南七十里

參葉纂高氏願氏○按薛瓚以營陵卽營邱非是營邱今臨淄乃齊都也

○緣陵杞邑今河南杞縣在唐爲雍邱唐入所謂睢陽江淮之保障者卽杞之東境緣陵其在是與城之則與楚丘相比相應以爲天下形勢楚丘以內制河朔緣陵以外控江淮則戎與狄之交不得合而中國庶不至大病此非獨爲杞一國之利也故

不書杞

朱朝瑛
畧記

○孫氏覺說見外城總論

以上杞都

隱四年春莒人伐杞取牟婁

杜注杞邑城陽諸縣東北有婁鄉水經注濰水條下渭水北逕

婁鄉城東入濰故城在今青州府諸城縣東北與安邱接界

高士

奇蹟
棟高

○參看下無婁

嚴啟隆傳注曰杞紀之誤也牟婁在今青州府安邱縣南昭四

年莒牟夷以牟婁來奔則與魯接壤可知杞至僖十四年始遷

緣陵今尚在陳留雍邱爲河南之杞縣莒乃山東之莒州杞莒

地遠何緣取其界邑

張尙瑗公
羊折諸

○愚按以顧氏輿圖考之紀莒

魯隣近而杞則遠張取嚴說是也而沿誤已久未敢改經文之

杞爲紀仍列于杞邑而存其說焉又按朱朝瑛畧記引金壇王

氏說與嚴同云今安邱爲漢北海郡平昌

宣十五年秋仲孫蔑會齊高固于無婁公作牟婁

杜注杞邑公羊作牟婁蓋卽莒人所取此時已爲莒邑矣杜注

疑有誤

高士奇
顧棟高

○無公作牟如甯母亦作甯無齊人讀無爲牟

母總里音也

毛奇齡簡書刊誤

○無牟古方音通轉

趙坦春秋
異文箋

以上杞邑

楚

吳入郢不書入楚辨
祖疑宋地辨 容城

陘非穎川召陵之陘亭杜解辨
非華容辨

楚吳入郢不書入楚辨
疑宋地辨
容城非華容辨
陸非顧

楚辨
容城非華容辨

楚地南卷沅湘北繞潁泗西包巴蜀東裹鄴淮潁汝以爲洎江漢以爲池亘之以鄧林綿之以方城

淮南子

余讀春秋至莊六年楚文王滅申未嘗不廢書而嘆也曰天下之勢盡在楚矣申爲南陽天下之膺光武所發迹處是時齊桓未興楚橫行南服由丹陽遷郢取荊州以立根基武王旋取羅都爲郢郢之地

定襄陽以爲門戶至滅申遂北向以抗衡中夏然其始要非一朝一夕之故也平王東遷卽成申與甫許豈獨內德而侯爲之遣戍亦防維固圉之計有不獲已逮桓王莊王六七十年之久楚之侵擾日甚卒爲所滅自後滅呂滅息滅鄧南陽汝甯之地悉爲楚有如河決魚爛不可底止遂平步以窺周疆矣故楚出師則申息爲之先驅守禦則申呂爲之藩蔽城濮之敗而子玉羞見申息之老楚莊初立而申息之北門不敗子重欲取申呂以爲賞田而巫臣謂晉鄭必至於漢申之係於楚豈細故哉故論當日楚之形勢東拒齊則召陵之陘爲咽喉之塞西拒晉則少習武關通往來之道南面扞吳則鍾離居巢州來屹爲重鎮近州來失而入郢之禍始兆楚植基固而形勢便使周歷猶綿延四百年不遂併於楚者桓文之力也

顧棟高楚
疆域論

又按楚在春秋吞并諸國四十有二其西北至武關在今陝西商州

東少習山下文十年傳子西爲商公卽商州雒南縣與秦分界其東南至昭關在今江南和州含山縣北二十里昭十七年戰長岸卽和州南七十里之東梁山與太平府夾江相對是也與吳分界其北至河南之汝甯府南陽府汝州與周分界其南不越洞庭湖全有今湖北十府八州六十縣之地惟隨州爲隨國僅存又全有河南之汝甯南陽二府光州一州又闕入汝州之郟縣魯山縣河南府之嵩縣開封府之尉氏縣許州府之鄆城縣及禹州與鄭接境四川夔州府之奉節縣與巴接境江西之南昌南康九江饒州與吳越錯壤又全有江南廬州鳳陽潁州三府及壽州和州之地江甯府之六合太平府之蕪湖徐州府之碭山則與吳日交兵處後廬壽之地多入吳又方城在唐汝之間則鄧唐汝皆北境鍾離巢爲東界及滅越則竟以

徐淮爲東境矣

趙彥衡雲
麓漫鈔

楚地雖不瀕海而屈完云寡人處南海子囊云赫赫楚國而君臨之
撫有蠻夷奄征南海鄭伯謂莊王其俘諸江南以貢海濱亦惟命實
海濱楚世家作賓之南海按南海今廣州府治為當日百越地雖未
屬楚已為兵力號令之所及

閩若璩濟邱劭記

楚固商周盛王以戎蠻荒服棄置者也偃然恣睢江漢之間東遷後
遂自王縣申息滅宛鄧方城以為城大隧直轅冥阨以為塞蟠踞淮
泗之壤後世所分六朝南北長江天塹不啻跨而踰之

張尚瑗方傳折諸卷首

都

丹陽遷郢又遷都史記祝融之裔鬻熊為文王師三傳熊繹

成王封之于楚居丹陽地在秭歸後徙枝江亦曰丹陽若敖

之後始都郢詳見下定四年令尹子西又遷郢于郢水經注

謂之郢郢戰國時秦拔郢楚又徙壽春○桓二年孔疏諸

云楚芊姓熊項之後也其後有熊熊事周文王成王封其會

孫熊繹於楚以子男之田居丹陽今南郡枝江是也熊達始

稱武王武王十九年魯隱公之元年也武王居郢今江陵是

也昭王徙郢惠王八年獲麟之歲也惠王二十一年秦攻傳

終惠王五十七年卒自惠王以

下十一世二百九年而秦滅之

列國地名

楚

郢

邑 鍾離 葉 夷 白羽 州來改入小國

地 陘 召陵 柵 乾谿 長岸 雞父 容城

柏舉

定四年冬吳入郢 鄧公穀皆作楚

史記楚世家熊繹五傳熊渠立其長子康為句亶王中子紅為
鄂王少子疵為越章王張瑩曰句亶今江陵蓋即郢也熊摯七
傳至熊儀為若敖若敖傳霄敖霄敖傳蚡冒蚡冒傳熊通是為
楚武王子文王熊貲始都郢世本及譜皆云武王徙郢按昭二
十三年傳沈尹戌曰若敖蚡冒至於武文土不過同猶不城郢
則楚之都郢并不始於武王蓋經營數世至武文始定蔡武子
言若敖蚡冒筭路蓋纓以啟山林可見經營已久也初時未有

城郭文十四年公子變子儀因城郢作亂事未得訖襄十四年
子囊遺言謂子庚必城郢於是始城之至昭二十三年囊瓦畏
吳復增修自固故沈尹戌譏之桓二年傳杜注楚國今南郡江
陵縣北紀南城也按江陵有三城紀南城其一也其二曰故郢
城爲楚別都秦置郢縣其三曰江陵城秦臨江王其敖都此紀
南城在今荊州府治北十里府北有紀山城以山名江陵城卽
春秋時渚宮文十年傳子西沿漢派江入郢王在渚宮下見之
是也高士奇○史記索隱云楚都郢紀南城是平王更城郢故
郢城是此誤也漢志水經注載平王所城卽楚都杜注亦甚明
故郢別都不見於春秋或在春秋前耳高氏○愚按水經注江
水東逕江陵縣故城南故楚也江水又東逕郢城南子囊遺言
所築城也應注又引楚子革語我先君僻處荆山以供王事遂

遷紀郢此語殆不可信紀南之名非春秋時所有安得出于子

革之口高氏已辨之矣○郢城今荊州府北紀南城楚文王所

都府東北又有故郢城自頃襄以上皆居此

張琦戰國策釋地

書吳入郢屬辭之體宜然爾春秋有宜以國稱者有宜以邑稱

者朝聘會盟征伐誅殺宜以國稱城邑火災及被圍入宜以邑

稱

姚鼐經說○入國不言邑言郢非得國之辭也

牛運震傳

以上楚都

成七年秋吳入州來

昭十三年冬吳滅州來

哀二年冬蔡遷于州來

杜注楚邑未是書滅是國改入諸小國見後

成十五年冬會吳于鍾離

杜注楚邑淮南縣按古鍾離子國春秋時屬楚左傳昭四年楚
箴尹宜咎城鍾離以備吳二十三年吳禦楚師于鍾離子瑕卒
楚師燬二十四年楚子爲舟師以畧吳疆師還吳踵楚遂滅巢
及鍾離秦置鍾離縣漢因之屬九江郡晉屬淮南郡今江南鳳
陽府鳳陽縣東四里有鍾離故城高士奇顧棟高○壽夢時吳楚以此
爲界杜佑所謂互爲吳楚之邊邑是也季本私考○晉淮南郡鍾離
縣隋唐爲濠州通典鍾離縣東四里有古鍾離城卽魯昭四年
楚城處史記伍子胥傳吳拔楚鍾離居巢注古鍾離子之國世
本作終犁方以智通雅○愚按水經淮水又東過鍾離縣北酈注應
劭曰縣故鍾離子國楚滅之以爲縣○又按羅泌路史沂之承
縣有古鍾離城羅莘注引杜解淮南濠州似誤○趙氏說見殊
會門

又

許遷于葉

宣三年傳杜注楚地今南陽葉縣按此年許畏偪於鄭請遷於楚故楚公子申遷許于葉昭九年復遷許于夷葉仍入楚十一年靈王滅蔡遷六小國于荆山許亦與焉十三年平王復封陳蔡許亦復居于葉十八年楚左尹王子勝言於楚子曰許於鄭仇敵也而居楚地葉在楚國方城外之蔽也土不可易國不可小楚子乃遷許于析更以葉封沈諸梁號曰葉公定五年葉公始見於傳哀四年再見十六年又見蓋自是爲楚重鎮矣秦爲葉陽漢爲葉縣屬南陽郡其地險隘今河南南陽府葉縣南三十里有古葉城高土奇顧棟高○愚按水經注醴水經葉縣故城北楚欲爭強中國多築列城于北方以逼華夏故號此城爲萬城唐勤所謂自越以至葉垂宏境萬里也○葉有方城山所謂楚國

方城以爲城卽此括地志楚爭霸中國連山累石於此以爲固

號曰方城蓋楚第一重地也

開若璫四書釋地續

昭九年春許遷于夷

卽城父

傳曰遷許于夷實城父遷城父人于陳杜注城父縣屬譙郡按楚有兩城父此所謂夷城父取諸陳者也僖二十三年楚伐陳取焦夷杜注夷一名城父襄元年晉伐陳遂侵楚焦夷此年遷許後四年許自夷還居于葉昭三十年吳滅徐徐子章羽奔楚楚城夷而處之三十二年吳人侵楚伐夷皆此漢置城父縣屬沛郡晉屬譙郡在今江南潁州府亳州東南七十里又有北城父昭十九年楚城之寘太子建杜云襄城城父縣也昭王卒焉漢置父城縣屬潁川郡在今河南汝州祁縣高士奇顧棟高○愚按水經注淮水又北夏肥水注之水上承沙水於城父縣右出東南

流逕城父縣故城南縣故焦夷之地春秋遷許于夷實城父矣
高氏曰焦卽今亳州本焦國周末改爲譙漢爲譙縣亦屬沛郡
昭十八年冬許遷于白羽 卽析

按僖二十五年傳秦晉伐郟楚戍商密秦人過析隈入而係輿
人以圍商密商密人懼曰秦取析矣乃降秦師杜注析楚邑一
名白羽今南鄉析縣隈隱蔽之處也係輿人作爲克析而得其
囚俘者又按蔡聲子曰子儀之亂析公奔晉杜注事在文十四
年 析公無考 此年傳曰遷許于析實白羽後許遷谷城哀十八年楚

復封子國于析漢屬宏農郡魏屬南鄉郡晉初因之今河南南
陽府鄧州內鄉縣卽其地近武關戰國時秦兵出武關攻楚取
析是也析隈山今在鄧州南 高士奇顧棟高 ○愚按哀四年傳楚謀北
方圍蠻氏蠻子赤奔晉陰地司馬起豐析與狄戎以臨上雒使

謂陰地之大夫士蔑將通于少習以聽命杜注析縣屬南鄉郡
析南有豐鄉皆楚邑少習商縣武關也彙纂曰今浙川縣及內
鄉縣之西北境皆析地武關在今西安府商州東少習山下故
亦名曰少習又按水經注丹水自商縣東南流注厯少習出武
關楚通上洛阨道也武關在析縣西百七十里析水出析縣西
北又東逕其縣故城北春秋之白羽也析水南流注于丹水逕
丹水縣故城縣有密陽鄉古商密之地楚申息之師所戍也

以上楚邑

僖四年春齊伐楚次于陘

杜注楚地潁川召陵縣南有陘亭按在今河南許州府郾城縣
召陵城南以陘山而名戰國策蘇秦說楚曰楚北有汾陘之塞

鮑彪注陘召陵陘亭也

高士奇
顧棟高

○史記楚世家正義引括地志

陘山在鄭州新鄭縣西南三十里

愚按此乃威王十一年魏取陘山之注楚世家正義於齊

侵楚至陘山亦引括地志云在鄭州西南一百一十里前後兩引小異

按太平御覽謂在滎陽則

正義云新鄭近之滎陽春秋爲鄭戰國爲韓蓋南北之隘道楚

爲塞以禦北方故蘇秦於韓曰南有陘山於楚曰北有汾陘之

塞其地一也楚漢之際亦於此決勝負焉左傳楚子庚治兵於

汾注云襄城縣東北有汾邱城今襄城屬汝州汾陘之塞蓋在

汝鄭二州

王應麟通鑑地理通釋

○文十六年傳師叔曰先君蚡冒所以

服陘隰也孔氏正義云釋例以陘與陘隰爲一地楚自武王始

居江漢之間則蚡冒之時未至中土不應已能越申息服潁川

之邑疑非也

杜預釋例四庫案語

○徐廣云召陵有陘亭密縣有陘山按

陘山在今開封府新鄭縣南三十里與密縣接界楚北有汾陘

之塞卽此非召陵之陘亭也召陵故城在今許州鄆城縣東四

十五里其南有陘亭

張琦戰國策釋地

○山徑曰陘爲楚塞山徑通光

山固始之間

上夫之稗疏

○徐廣曰陘山絕之名爾雅山絕陘郭注

連山中斷絕是山之中斷者皆可謂之陘

馬宗璣左傳補注

○愚按趙

企明經筵曰杜氏最詳於地而於侵蔡次陘有所不通蔡今之

蔡州許在潁川今之潁昌師退次召陵潁川之邑故許男歸而

卒于許不曰卒于師非卒于師也齊伐楚先厯許然後至蔡過

蔡然後及楚陘當在蔡之前不當在蔡之後潁昌去蔡州三百

里不應退師若是之遠則杜指潁川召陵之陘亭非也愚考顧

氏輿圖誠有如趙氏所辨者惟王伯厚據史記正義及國策蘇

秦語謂山爲楚交界處地在滎陽新鄭與張氏琦所考近密縣

者當是張亦以杜爲非也高氏攷畧從杜而兼采蘇秦語謂二

國皆恃此爲險在楚則爲北塞在韓則爲南塞又據新鄭亦有

陘山知陘塞綿亙甚遠則亦不能無疑於杜矣

又 夏楚屈完來盟于師盟于召陵

定四年春會于召陵侵楚

杜注潁川縣也按昭十四年傳楚屈罷簡東國之兵于召陵卽此漢置召陵縣屬汝南郡晉屬潁川郡水經注汝水別瀆世謂之大滙水東南逕召陵縣故城南齊桓公師退處闕駟曰召者高也其地邱墟井深數丈故以名焉故城在今開封鄆城縣東四十五里

高士奇
顧棟高

○齊晉謀楚皆於召陵一書伐而一書侵一

雖書遂而卒能成功一雖會劉子而卒無能爲其得失固不待

論但召陵恐亦楚之要地故後來簡東國之師於此

李廉
會通

○史

記齊桓公曰寡人南伐至召陵登熊耳山以望江漢小顏小司

馬並云熊耳山在順陽縣北順陽唐縣

開苦瓊四書
釋地又續

襄十年春十三國諸侯會吳于柤

哀六年夏叔還會吳于柤

杜注楚地按後漢郡國志彭城國傳陽有柤水劉昭注傳陽卽

春秋之偃陽水經注柤水出于楚之柤地今偃陽縣西北有柤

水溝去偃陽八十里東南流逕偃陽故城東北又東南亂于沂

而注于沐謂之柤口

沐水條下

按今山東兗州府嶧縣東南有渣口

成租與渣俱音側加反卽今泲河入承水之泲口

高士奇顧棟高

○偃

陽國及柤地皆在沛縣乃吳入北方之要衝

汪克寬纂疏

○按釋例

地名楚地有柤穀梁傳注亦云柤楚地酈氏雖引京相璠宋地

之說而仍明稱柤水出楚之柤傳云三月癸丑齊高厚相太子

光以先會諸侯于鍾離夏四月戊午會于柤鍾離成十五年會

吳之地在淮南爲今鳳陽府地先會于此次會于柤遂滅偃陽

然則相近鍾離未必在浦嶧之間此傳云會于柤會吳子壽夢
也可見五年會于戚非會吳子但會吳大夫壽越耳吳使壽越
如晉辭不會于雞澤之故按雞澤之會在襄三年迎吳子於淮
上不至蓋雞澤爲晉地吳不欲遠就於晉故不至此時壽越之
來未必不微示此意故晉使魯衛之大夫會吳于善道善道在
今盱眙爲吳地而壽越亦遂同盟于戚戚稱吳人謂壽越也鍾
離善道柤稱吳謂吳子也鍾離善道皆大夫與會柤則諸侯與
會故傳特標之云會吳子壽夢也在吳子不欲來會于雞澤在
晉侯亦不可往會于善道故仍用鍾離故事會于楚地是時諸
侯必先至鍾離以俟吳子至柤而往會觀其越六日而會柤又
越九日而滅偃陽則柤當在鍾離偃陽之間近於善道而吳不
必渡淮故書曰會吳惠徵士據京相璠宋地之說謂晉楚分爭

而與諸侯會于楚地必無是理顧成十五年士燮且會吳于鍾

離明年即有郢陵之戰獨非相爭之時乎况悼公之復霸也焦

春秋左傳○京相璠說不若漢志鄆縣得其實謂晉楚方爭不當

會其地定四年謀伐楚尚會召陵此會更何嫌洪亮吉春秋詁○會吳

於楚界示楚以得吳也晉得吳則楚右斷不敢議鄭恐吳之擬

其後也熊迥明志錄○愚按水經注又曰渙水東逕鄆縣故地南引

襄十年會于郕今其地鄆聚是也淮水條下漢地里志沛郡鄆縣注

音雌此縣本為鄆後借鄆字為之耳讀皆為鄆按鄆與祖字通

又考漢志鄆即鄆屬沛郡傳陽即偃陽屬楚國沛郡屬豫州楚

國屬徐州徐豫接壤今江南徐州府沛縣北即山東兗州府

縣南非兩地也○又按傳云以偃陽與宋公則近宋可知惟水

經注引京相璠說徑以為宋地恐未必然江氏考實從京相璠

與惠氏同而繹焦氏洪氏熊氏論辨似以會于楚地爲當○相
有二襄十年會吳于相是楚地昭六年鄭伯勞楚公子在疾于
相是鄭地

程公說
分紀

昭十三年夏楚弑其君于乾谿

按昭六年傳楚伐吳軍于豫章而次于乾谿杜注在譙國城父

縣南楚東境按在今潁州府亳州東南

高士奇
顧棟高

昭十七年冬楚人及吳戰于長岸

杜注楚地按傳楚司馬子魚曰我得上流何故不吉大敗吳師
獲其乘舟餘皇杜注順江而下易用勝敵知爲水戰也 江南

太平府當塗縣西南三十里有西梁山與和州南七十里之東
梁山夾江相對如門之闕亦曰天門山郡國志云楚獲吳餘皇
處也歷代爲建康西偏之要地或又謂金陵爲古長岸地卽長

干也當時乘勝追擊亦可至此

高士奇
顧棟高

昭二十三年秋吳敗六國之師于雞父父數作甫

杜注楚地安豐縣南有雞備亭按安豐漢縣屬六安國晉屬安

豐郡今鳳陽府壽州西南有安豐故城雞備亭又在其城西南

高士奇顧棟高○愚按水經注決水自雲婁縣北逕雞備亭吳楚戰地

○按傳吳伐州來楚奔命救州來吳人禦諸鍾離戰于雞父則

雞父當在鍾離之西州來之東吳將伐州來而尚未至故禦在

鍾離戰在雞父也余光○穀作雞甫父甫古字通趙坦異
文箋

定四年夏許遷于容城

杜注闕按應劭以漢華容縣為春秋許所遷之容城非也漢南

郡華容縣為今荊州府監利縣在郢都之側後二年鄭即滅許

鄭豈能至此或曰在今南陽府葉縣西高士奇○今監利縣與

郢密遷許遷此則鄭豈能深入楚地而滅之蓋召陵之會許從
晉故不敢居析背楚而北遷容城雖無考當在汝蔡之北近鄭
故被滅其非華容決矣王夫之○攷唐垂拱二年改華容縣爲

容城縣諸儒從應劭者因後代之名定春秋之地其誤甚矣許
州從許都得名此俞氏之說可證者蓋許初都許州府石梁縣
遷于南陽府葉縣又遷于江南潁州府亳州東南七十里城父
又遷于河南南陽府內鄉縣此又遷于容城在今許州府臨潁
縣也前此迫鄭州楚皆楚遷之以違害就利召陵之會許背楚
向晉懼楚見伐而遷之以避楚也徐卓經義○愚按水經夏水

東過華容縣南酈注以爲卽此容城江氏考實從之蓋誤○任

公輔以爲華容亦析之近地

李廉會通

又

冬吳楚戰于柏舉

公作伯莒穀作伯舉

柏舉楚南鄙邑呂氏春秋首時篇注○杜注楚地按水經江水東過邾縣

南鄙注江水右得黎磯北岸烽火洲即舉洲也舉水南流注于

江謂之舉口南對舉洲春秋吳楚陳于柏舉京相璠曰漢東地

也彙纂引名勝志云麻城縣東北三十里有柏子山縣東南有

舉水柏舉之名蓋合柏山舉水而得之按傳子常濟漢自小別

至于大別又三戰而陳于柏舉是在漢之東北矣其地應在麻

城縣境也麻城屬湖廣黃州府傳遜以河南西平縣本柏子國

釋柏舉誤京相璠以江夏之柜水釋舉亦遠參高氏攷略顧氏

洪氏春秋註○舉水庾仲容荊州記作莒京相璠曰或作汭按柏舉

當在漢川雲夢之間王夫之○柏公穀作伯古字通假舉公作

莒亦假音字趙坦異文箋

以上楚地

秦

顧氏大事表都邑表後論秦穆時始并岐西
豐鎬周故都之地辨鄭氏詩譜甚明今不備載

秦以西陲小國乘衰周之亂逐戎有岐山之地是時兵力未盛西周故物未敢覬覦也值平桓懦弱延及宣公武公德公以次蠶食盡收號鄭遺地之在西畿者垂及百年至穆公遂滅芮築壘爲王城以塞西來之路而晉亦滅虢東西京隔絕由是據豐鎬故都判然爲敵國與中夏抗衡矣然滅滑而滑爲晉有不能越崤函以東滅都而都爲楚有不能越武關以南其地不出陝西一省而同州府與商州之地猶與晉楚錯壤焉秦與晉以河爲界河以東爲晉河以西爲秦然秦當春秋時疆域褊小非特隔于函關之外爲晉所限閼不得出也攷史記繆公立五年而晉獻滅虞虢是時新立初起岐雍基業未固而晉武獻已彊盛滅虢而桃林舉秦之門戶在晉肘腋中矣故終穆公之世未嘗一日忘東向其援立惠公實貪河外列城之賂蓋欲國勢

之故地以爲東出之謀旣而韓之戰秦始征晉河東未幾復屬于晉
秦之不得志於晉可知也迨立文公秦欲納王而晉辭秦師獨下文
公梟雄賴秦之力而實陰忌之必不使勤王之舉得分其功晉之抑
秦又可知也至其季年日暮途遠背晉與鄭盟已復襲鄭懸師深入
年老智昏而穆公之始終不忘東向其情蓋汲汲矣其後絕晉日尋
干戈少梁北徵彭衙刳首迭有勝負然終不能越河以東一步蓋有
桃林以塞秦之門戶而河西之地復犬牙于秦之境內秦之聲息晉
無不知二百年來秦人屏息不敢出氣者以此故也至孝公發憤東
地渡洛魏人納地恐後而河西始悉爲秦有

顧棟高秦
疆域論

秦地爲周之舊有文武貞信之教無傲僻驕侈之志淫泆昏惰之風
無僭王猾夏之行君臣簒弑之禍吳通上國最後其強也驟故亡也
忽焉秦強於內治不勤遠略故興也勃焉楚之長駕遠馭強於秦而

其內治亦強於吳故秦滅六國而終覆秦者楚也劉逢祿公羊何氏釋例

都雍今為陝西鳳翔府治鳳翔縣屬秦姓伯翳之後非子為周孝

王主馬并渭之間分土為附庸邑之秦號曰秦嬴詩譜曰秦

隴西谷名近鳥鼠之山伯翳末孫非子周封為附庸邑于秦

谷漢志注徐廣曰天水隴西縣有秦亭今秦州清水縣故秦

城是也曾孫孫秦仲宣王時死于戎宣王命其子莊公為西垂

大夫生襄公周室東遷襄公以兵送平王平王封之為諸侯

賜以岐以西之地文公平戎遂收其地至岐岐以東歡之周

詩譜云襄公橫有周西都畿內八百里之地非也文公居西

垂汧渭之間孫孫公嗣立二年徙居平陽是為魯隱公九年

也桓四年秦師圍魏始見于傳四傳至德公元年始都雍居

雍城大鄭宮則魯莊公十七年也至僖十三年輸粟于晉自

雍及絳杜注雍秦國都僖十五年戰韓秦始見經今鳳翔縣

南七里有古雍城秦德公所居大鄭宮城也○非子之為附

庸後于齊晉幾二百年泊襄公為侯又百五十六年獨平王

東遷岐以西之地使襄公自伐而取之周之先公先王荒作

艱難所致者奄為秦有至穆公并國二十安受西土形勢

易難詩譜

彭衙

邑

文二年春晉秦戰于彭衙僖公羊本亦作牙

杜注郃陽縣西北有彭衙城按史記秦武公元年伐彭戲氏正義曰彭戲戎號卽彭衙秦文公嘗于其地置泉縣漢改置栗邑及衙縣屬左馮翊晉省入栗邑縣後魏廢栗邑改置白水今仍之今陝西同州府白水縣東北六十里有彭衙古城郃陽縣今在白水東晉省衙地入栗邑杜預時蓋其古城割屬郃陽也縣道記衙城側有彭衙水南流至縣東南入洛

高士奇
顧棟高

吳會吳之向杜注誤鄭地辨 卽爲海陵發陽杜注辨

武王定天下此時泰伯之子孫已自立于勾吳武王因而封之時大江以南尙屬蠻夷之地分茅胙土之所不及非若中原齊魯星羅碁置也故其地最廣遠春秋初尙服屬于楚自後寢強遂爲勍敵夫長江之險吳楚所共而楚居上游故長峴之戰司馬子魚曰我得上游何故不吉卒得其乘舟餘皇故吳楚交兵數百戰從水則楚常勝而

從陸則吳常勝楚以水師臨吳而吳常從東北以出楚之不意當其始叛楚也卽伐巢伐徐伐州來爭鬪於廬州鳳陽之間蓋欲自上而瞰下子重之克鳩茲也爲今太平之蕪湖此用水也而吳報之伐楚取駕則在廬之無爲矣楚靈之克朱方也爲今鎮江之丹徒此用水也而吳報之取棘櫟麻則出碭山與汝寧矣至昭二十三年州來入吳州來爲今之壽春以淮爲固撤楚之藩籬而據其要害而入郢之禍兆矣當日舍舟于淮汭自豫章與楚夾漢淮汭卽州來豫章今南昌舍舟爲沉船破釜之舉陸路出南昌爲出奇擣險之謀欲避所短而用所長懸師深入千里襲人蓋亦逆知楚瓦不仁而後敢出此使當日但歛兵持重勿與交鋒絕其餉道吳人輕銳師老欲歸正不必爲毀舟與塞城口之計正欲徐行驅之吳人遇險則必爭舟以濟爭則必亂半渡擊之可使隻輪不返故當日楚之失計在速戰而吳亦

第僥倖而一得也使第固守鍾離居巢州來三城屹然不動而多方以撓吳墮其亟肆之算吳既不得志于東北必不能由水道以窺楚而吳且坐困矣夫地勢何常人能用之則勝厥後越兼吳之地而卒覆于楚豈非楚常得地勢之便哉

顧棟高吳疆域論

吳地略有江南全省而徐州屬宋廬鳳屬楚安慶屬羣舒最後廬鳳亦入于吳而入郢之禍自此始太平府與楚之和州

對岸

江寧府

與楚之六合

接境

其自浙之嘉興以及湖州杭州則與越日相角

逐之區也自浙之嚴州以及江南之徽州江西之饒州則與楚日相

窺伺之地也方輿家以江西全省亦俱為吳地然於經傳無所見

都

梅里遷姑蘇周太伯奔荆蠻自號勾吳荆蠻義之從而歸之

千餘家吳地記泰伯築城于梅李今為江南常州府無錫縣

日梅李鄉亦曰梅里村自太伯至閭閻二十三君俱都此太

伯無子弟仲雍立三傳周章是時武王克殷求太伯仲雍後

得周章已君吳因而封之而封周章弟虞仲子故夏墟宣入

年楚盟吳越始見于春秋傳成七年伐鄭始見經諸樊南徙

吳闔閭元年當周敬王六年魯昭公二十八年闔閭築大城
周四十二里小城八里皆于胥所制高氏攷略曰以地有姑
蘇山因曰姑蘇山在府城西三十里韋昭國語注曰姑蘇臺
名非也姑蘇為吳國都之地名國語申胥謂夫差高台下
以疲民于姑蘇言於其境內多所營築耳又越伐吳吳師潰
吳王帥其賢良與其重將以上姑蘇范蠡擊鼓與師至于姑
蘇宮遂滅吳夫吳王率其賢士重祿以上姑蘇亦猶夫越棲
會稽耳安有棄其國都而走保一臺乎觀後范蠡入姑蘇之
宮遂滅吳則姑蘇為吳都無疑今為蘇州府治○宣八年孔
疏語云太伯仲雍之荆蠻自號句吳句或為工夷言發聲也
大伯無子仲雍嗣之武王封其曾孫周章於吳為吳子久別
封章弟虞仲於虞自太伯五世而得封十二世而晉滅虞虞
滅而吳始大至壽夢而稱王壽夢以上世數可知而不紀其
年壽夢元年魯成公之六年也夫差十五年獲麟之歲也二
十三年魯哀公之二
十二年而越滅吳

邑
橋李

地
善道 向 橐臯 鄔

崩
淮

定十四年夏於越敗吳于橋李

橐音醉公作醉

杜注吳郡嘉興縣南醉李城按公羊作醉李越絕書作就李國語句踐之境北至于禦兒吳越春秋吳王夫差增越封西至于檣李然則與闔閭戰時檣李猶當爲吳地矣嘉興春秋時爲長水地秦置由拳縣水經注污水條下谷水逕由拳故城秦時長水縣也陷爲谷因名谷水谷中有城卽故由拳縣吳黃龍三年有嘉禾生卷縣改曰禾興後避諱改爲嘉興春秋之檣李城也在今浙江嘉興府嘉興縣南四十五里高士奇顧棟高○檣李音同公作醉假音字越絕書作就漢志又作雋皆方音之轉吳越春秋李又作里趙坦異文箋○漢志會稽郡由拳下注柴辟故就李鄉吳越戰地洪亮吉春秋詁○傳云闔廬卒于涇去檣李七里按檣李城左右水口皆名曰涇如圖經所著風涇中涇等是也涇或當作涇又

以上吳邑

襄五年夏仲孫蔑衛孫林父會吳于善道公穀作善稻

杜注地闕范甯注吳地穀梁傳曰吳謂善伊謂稻緩號從中國

名從主人范注夷狄所號地形物類當從中國言之故不言伊

緩而言善稻人名當從其本俗也按阮勝之南兗州記云盱眙

本吳善道地秦置盱眙縣許慎曰張目為盱舉目為眙城居山

上可以矚遠故曰盱眙今屬江南鳳陽府泗州高士奇顧棟高○淮水

東逕泗州城南盱眙城北漫衍入洪澤湖在此顧氏山川表○宿州

有善道驛蓋古名之僅著於今者正吳西北會中國之便道與

龍亢之向濠之鍾離相櫛比王夫之稗疏○道作稻假音字趙坦異文箋

說文導禾也司馬相如曰導一莖六穗蓋道即導之省與稻同

音相通張壽恭古義

襄十四年春十三國大夫會吳于向

杜注鄭地按襄十一年傳諸侯伐鄭師于向杜注在潁川長社縣東北高氏攷略曰十四年會吳于向杜注鄭地卽此在今開封府尉氏縣江氏曰杜此年注非也十三國大夫會吳地當近吳此當爲龍亢之向杜於隱二年莒入向注云譙國龍亢縣東南有向城在今鳳陽府懷遠縣去莒甚遠當是會吳之地莒所入是襄宇志莒州南之向城杜兩注皆誤今懷遠縣西四十里有故縣村漢置向縣龍亢在其西

地理考
實參

哀十二年夏公會吳于橐皋

杜注在淮南逡遒縣東南按漢橐皋縣屬九江郡孟康曰橐皋音拓姑宋以後橐訛爲拓又訛爲柘今廬州府巢縣西北六十里有柘皋鎮俗猶名會吳城漢逡遒故城在今合肥縣東與巢

縣接壤

高士奇顧棟高

○漢地理志後漢郡國志作浚道

齊召南左傳注疏考證

又

秋公會衛侯宋皇瑗于鄆

公作運

杜注發陽也廣陵海陵縣東南有發繇口按今揚州府如皋縣

東立發壩古發陽也亦名古鄆海陵縣今為泰州

高氏攷略

○

按杜云廣陵郡海陵誤海陵前漢屬臨淮後漢已廢至晉復立

屬廣陵則已名海陽矣

洪亮吉春秋詁

○杜以鄆為發陽以發揚為發

繇展轉牽強且晉之海陵今揚州之通州海門縣地僻在江海

之隅春秋時輪蹄所不至必非會盟之所京相璠曰琅邪姑幕

縣南有員亭姑幕今莒州乃吳魯所由通之徑員本音鄆加邑

亦同當卽是姑幕之員也

王夫之稗疏

○公羊鄆作運與鄆作運同

皆假音字

趙坦異文箋

以上吳地

僖十六年冬會于淮

杜注臨淮郡左右按晉臨淮郡治盱眙今屬泗州

江永

○淮今泗

州盱眙淮水所經處古臨淮也

焦過明志錄

○愚按盱眙卽吳之善

道地見上又襄三年傳晉侯使荀會逆吳子於淮上顧氏曰淮

水發源河南南陽府桐柏縣桐柏山自楚文王封眇于汝有南

陽之境淮爲楚境內之水東流至光州東北又東由固始入江

南潁州府界又東流至潁上縣又東北至鳳陽府懷遠縣界以

上皆楚地以下入吳又東經長淮衛至五河縣又東經泗州城

南盱眙城北入洪澤湖又東北出淮安府清口與黃河會又刷

河東流經山陽縣至安東縣雲梯關入海淮上當在臨淮泗州

之境

山川篇

○水經淮水東至廣陵淮浦縣入海淮浦卽今安東

彙纂

○桓八年傳楚子伐隨軍於漢淮之間淮水源出桐柏山在

今河南南陽府桐柏縣東一里東南接湖廣德安府隨州隨州
卽春秋時隨國正當漢之東淮之南故曰軍於漢淮之間是時
南陽之境猶未爲楚有逮後文王縣申息封畛于汝則淮爲楚

境內之水矣

顧棟高又

以上山川

徐

都下邳與秦俱出伯翳伯翳子若木事夏襲翳之封其後立于
淮者爲嬴氏夏世有調王命以徐伯主淮夷周初僭稱王宣
王命召虎平淮夷尹吉甫作江漢之詩王又自將伐淮徐召
穆公作常武之詩其詩曰率彼淮浦省此徐土又曰不測不
克濯征徐國又曰徐方不回王曰還歸卽此徐國也穆王分
東方諸侯命徐偃王主之居潢池東地方五百里行仁義陸
地而朝者三十六國偃王旋反穆王伐滅之後封其子宗爲
徐子莊二十六年會伐徐始見經杜注徐國在下邳僭縣東
南接漢迄南北朝皆曰徐縣漢志臨淮郡徐縣春秋時徐國
括地志徐城縣西有大徐城卽古徐國又西爲下邳僭縣合
杜注觀之古國正在徐僭間耳今在江南泗州北入十里相
傳城爲偃王築○通志氏族略徐子爵嬴姓伯益佐禹有功

封其子若木於徐自若木至偃王三十二世爲周所滅復封其子宗爲徐子宗十一世孫章羽昭二十年爲吳所滅

地
婁林

僖十五年冬楚敗徐于婁林

杜注徐地下邳僮縣東南有婁亭按後漢志下邳國徐縣有樓亭或曰古婁林在今泗州境

高士奇
顧棟高

戎

此戎州已氏之戎隱二年經公會戎于潛杜注陳留濟陽縣東南有戎城又桓二年公及戎盟于唐莊十八年公追戎于濟西二十年齊人伐戎二十四年戎侵曹二十六年公伐戎所書皆此水經注濟瀆自濟陽縣故城南東逕戎城在今山東曹縣按諸家指爲徐州之戎說見四裔門惟追于濟西者高江村謂濟西在魯西徐戎在魯東所追者非徐戎也是否非一種候考

邑
楚邱

隱七年冬戎伐凡伯于楚邱以歸

杜注衛地在濟陰城武縣西南彙彙今曹縣東楚邱亭是也按

縣今屬曹州府高氏攷略衛有兩楚邱此爲漢已氏縣晉屬濟陽濟陰之城武居東濟陽之已氏居西城武之西南卽已氏之東南所謂南楚邱也詳見衛都○此戎州已氏之戎周衰入居中國者也楚邱漢爲梁國已氏縣非衛地也

張洽集註

○江氏按一

統志楚邱城在曹縣東南五十里春秋戎州已氏之邑漢改爲已氏縣隋改曰楚邱明省入曹州隱二年公會戎于潛戎城亦在濟陽今之曹縣

見上

則此楚邱爲戎邑凡伯經其地戎遂伐之

以歸非衛邑也因此楚邱與衛文所居滑縣楚邱同名杜遂以爲衛地不知此楚邱去衛遠衛不得有此說者因杜注遂謂罪衛不能救王臣之患非也若論近楚邱之國則曹都定陶者最近凡伯經戎地而戎伐之雖曹亦不能救也春秋書于楚邱詳其爲戎地以見戎之橫周之微耳於曹衛乎何責

江永

○戎伐之

楚邱地界曹宋間襄十年宋享晉侯于楚邱卽此高江村以宋享晉侯者爲衛楚邱亦誤顧棟高○按諸家攷辨當是戎地決非衛都矣又有證爲魯地者亦確有依據詳魯地門並存備考

白狄

見四裔門

地 攢函 交剛

宣十一年秋晉侯會狄于攢函

杜注狄地見四裔門○會狄于狄地與成十五年會吳于鍾離

例同

毛奇齡傳

成十二年秋晉人敗狄于交剛

杜注地闕○按此白狄也交剛當在河東之地與河西延安府

相近

江永考實

○左氏以爲狄侵晉然交剛狄地而晉敗狄於此其

爲來侵往伐皆不可知

張自超宗
朱辨義

越

都邑地皆未見經以係大國附於此

越自少康初封歷商至周初千有餘歲武王因其舊而不改延及春秋之季又五六百年至允常始與吳相戰伐見于經傳再世至勾踐遂成伯業天子致胙五傳而至無疆而卒爲楚所滅竊怪勾踐以廣運百里之地而能覆二千里之吳其後世地兼吳越而楚滅之如反掌之易其故何也曰其故仍勾踐自貽之也當其滅吳而不能正江淮以北使楚東侵廣地至泗上是爲畫江自守之計棄其地利以與人其得延至五世幸矣昔人有言守江不如守淮守淮必宿重兵于廬鳳徐泗而後進可以戰退可以守當吳之與楚角也爭鍾離州來居巢三邑七十餘年而後取之迨旣得州來而入郢之勢已兆越旣有吳不能守吳故轍北扼州來西阻豫章而戀戀於三江五湖之利

志意驕滿號稱伯王此猶項氏之棄關中而都彭城同一沐猴之見耳楚人既得上游而復兼有廣陵徐泗之地長江帶水策馬可渡勾踐當日豈爲子孫計長久者哉

顧棟高越疆域論

國語載勾踐棲於會稽之時其地南至勾無北至禦兒東至于鄞西至姑蔑廣運百里

韋注東西爲廣南北爲運

蓋甚隘也後事吳又增其封西至檣

李北至平原然考國語與越絕書所載不同其北至禦兒平原皆在今嘉興一府之地西南至姑蔑

越絕書作姑末

則在今衢州龍游然昔人稱

餘汗爲越地淮南王安謂越人欲爲變必先田餘汗界中通典亦謂

爲越之餘則自江西廣信至饒州皆越之西界國語所云姑蔑蓋未

盡矣越大夫胥犴勞王于豫章之汭

昭二十四年傳

在今鄱陽湖蓋鄱陽爲

楚餘干爲越分峙湖之東西兩岸楚越相結歸王乘舟應在于此若北出則千餘里皆吳地越方仇吳豈能以孤軍徑行其地而與楚會

邪其地全有浙之紹甯金衢溫合處七府之地其嘉湖杭三府與吳分界由衢歷江西廣信府至饒之餘干縣與楚分界

又

余前論本史記越不能正江淮以北棄地利與楚爲楚所滅後闕吳越春秋有二越既平吳北渡淮會齊晉諸侯徙都于琅瑯竹書紀年云晉出公七年越徙都琅瑯水經注亦云琅瑯越句踐之故都也越絕書句踐平吳霸關東徙琅瑯起觀臺以望東海諸書所載合符琅瑯爲今山東沂州府與史記說異然以史記證左傳事多不合据傳哀二十七年越使后庸來正邾魯之界後哀公欲以越伐魯去季氏公又嘗如越又孟子武城有越寇武城亦在今沂境夫越既滅吳與齊晉諸侯會于徐州方欲正邾魯之界豈其棄江淮不事且既棄之予楚如后庸往來及出兵侵魯豈反假道于楚邪蓋先時吳伐齊魯略有其邊地哀八年傳武城人有田于吳竟是沂州久已爲吳之畿

壤越滅吳因有其地而遷都焉未嘗棄江淮也史記疎矣又

都魯稽今為浙江紹興府山陰縣姁姓禹之苗裔帝少康之庶子封于會稽以奉禹祠越之名不知所始國語云芊姓莠越是越地不但封禹後其來已久猶夫楚封于周成王而商頌先有荆楚也其始封之君曰無餘國於會稽山之陰句踐與范蠡曰先王無餘國在南山社稷宗廟在湖之南是也周初受封為不咸子范蠡曰我先君固周室之不成子也韋昭注周禮諸子之國封疆方二百里越不能成子言其國小也自無餘以下二十餘世至允常宣八年楚盟吳越始見於傳杜注越國今會稽山陰縣昭五年會楚伐吳始見於經迨滅吳兼并其地渡淮與齊晉會攻貢于周周元王使命為伯諸侯畢賀後五世為楚所滅○宣八年孔疏譜云越封於會稽自號於越於者夷言發聲也讀在南海不與中國通後二十餘世至於允常魯定公五年始伐吳允常卒子句踐立是為越王越王元年魯定公之十四年也魯哀公二十二年句踐滅吳霸中國卒春秋後七世大為楚所破遂微弱矣

補楚都郢

據左傳楚成王使鬬宜申為商公汭漢沂江將入郢王在渚宮下見之汭漢至于夏口然後沂江則郢當在江上不在漢上也楚始都丹

陽在今枝江文王遷郢昭王遷都皆在江陵境中杜注左傳云楚國
今南郡江陵縣北紀南城也紀南城卽古郢都又謂之南郢今郢州
本謂之北郢非楚都

沈括
筆談

春秋屬辭辨例編卷四十八終